



D eredia (LH 3. zikloa)

EUSKALDUN BAT MARTEN

Iñaki Zubeldia.

Zarauzko kai txikian haurrak jolasean eta igeri zebiltzan. Arratsalde argia zen, eguzkiz betea. Itsasoa bare-bare zegoen, txalupa zuri, gorri, urdin eta orlegien tantoz zipriztindua. Unai, ume azkar eta jatorra, beste umeen artean zebilen murgilka eta igeri. Hamar urte zituen Unaik eta benetan ausarta eta kementsua zen.

Arratsalde baketsu hartan, une batean soinu berezi bat entzun zen Santa Barbara mendi gainean, eta geroxeago argi distiratsu eta itsugarri bat jaitsi zen goitik behera.

Lehenbizi, haurrak izutu egin ziren, baina ondo begiratu ondoren, *ovni* eder bat ikusi zuten Santa Barbara gainean.

Hegazkin hura ikusteko gogoari ezin eutsiz, Zarauzko haurrak saltoka eta arinka joan ziren aldapan gora. Tontorrera igo bezain laster, gizon txiki-txikiak ikusi zituzten: Marteko gizonak ziren, bi urteko edozein haur baino txikiagoak.

Zarauzko haurrak ikusterakoan, beldurtu egin ziren martetarrak, Lurrean hain gizon handiak aurkitu zituztelakoan. Benetako gizonak azaldu izan balira, laster hanka egingo zuketzen beren Marte aldera.

Hamar gizon ziren hegazkinetik jaitsi eta hurrengana inguratu zirenak. Eta haietako batek hurrei hitz egin zien:

- *Mijail jolko xirono ahahu klunki.*

Eta Zarauzko hurrek elkarri begiratzen zioten eta hitzik ere ez zuten esaten harriturik.

Orduan beste martetar batek hitz egin zuen:

- *Tziboski mirurkajaine milmi parotxo...*

Haur haiek ez zuten ezertxo ere ulertzen, eta ez zekiten zer egin.

Halako batean, Unai irten haur taldetik aurrera eta honela esan zien:

- Kaixo, mutiltxoak, arratsalde on! Zuetako inork ez al daki euskaraz?

Martetarrek hamar hizkuntza ezberdinetako gizonak bidali zituzten, eta zorionez haietako batek euskara bazekien. Laster asko erantzun zion Unairi:

- Arratsalde on, lurreko gizon handiak! Nik euskaraz egiten dut zuek bezala eta Zorrotz dut izena. Gu Martekoak gara eta bake asmotan etorri gara, zuekin bakea eta adiskidetasuna izateko gogoz. Gure Marte oso ederra da, baina ikusten dudanez zuen lurralde hau ederragoa da. Benetan toki zoragarrian bizi zarete.

Unaik, pozez gainezka, honela erantzun zion:

- Gu zuen lagunak gara, Zorrotz, eta gure artean bakea izango duzue. Eta zerbaiten beharrik baduzue, eskatu, eta guk ahal dugun neurrian lagunduko dizuegu.

- *Hamaika* esker zuei, borondate onagatik, baina oraingo honetan proban etorri gara, eta hemengo gauza batzuk bildu eta Martera eraman behar ditugu laster.



Zarauzko haur talde hark pozik lagundu zien martetarrei adarrak, hostoak, igaliak, lurra eta harri koskorak biltzen. Eta lana bukatutakoan, haur guztiak hegazkina ikusten eta miatzen saiatu ziren. Bai polita zela barrendik eta kanpotik!.

Hegazkina ikusi ondoren, Zorrotzek -Marteko euskaldunak- honela hitz egin zien:


- Oraingoz gure lana bukatu da eta Martera goaz. Baina zuetako bat pozik eramango genuke gurekin. Han ahal den ondoen urte bete pasarazten saiatuko ginatke. Ba al da inor gurekin joan nahi duenik?...

Zorrotz txikiaren galdera erantzunik gabe geratu zen. Haur guztiak elkarri begira jarri ziren. Hegazkina polita zen eta han oso ondo ibiliko zen ortzian zehar, baina gurasoengandik urrutira joan beharrak beldurtu egiten zituen.

Baina, halako batean, Unai beti ausart eta adoretzu, honela mintzatu zen isiltasun astun hura hautsiz:

- Ni joango naiz zuekin, baina hemendik urte betera berriro etortzekotan eh!, gero nire etxean bizi nahi dut eta.

- Bai, gizona, bai, han urte bete ederki pasako duzu eta gero lur eder honetara ekarriko zaitugu.



IZENA:.....DATA:.....

Euskaldun bat Marten - Ariketak:

1. Nork kontatzen du ipuin hau? (Jarri X erantzun egokiaren laukian).

<input type="checkbox"/>	Zorrotzek
<input type="checkbox"/>	Unai
<input type="checkbox"/>	Narratzaileak
<input type="checkbox"/>	Hegazkinak

2. Zertan ari ziren Zarauzko kaian haurrak? (Jarri X erantzun egokiaren laukian).

<input type="checkbox"/>	Zinera joaten
<input type="checkbox"/>	Mendira igotzen
<input type="checkbox"/>	Jolasean eta igeriketan
<input type="checkbox"/>	Arrantzan eta kaniketan

3. Zergatik beldurtu ziren martetarrak Zarauzko haurrak ikusterakoan? (Labur idatzi)

.....

.....

4. Irakurri ondorengo hiru esaldiak eta esan zeinek adierazten duen hobekien ipuinaren ideia nagusia: (Jarri X erantzun egokiaren laukian).

<input type="checkbox"/>	• Unai mutiko ausarta da eta Martetarren hizkuntza menderatzen duenez haiekin joaten da.
<input type="checkbox"/>	• Martetar batzuk heltzen dira Zarautzera, eta Unai gonbidatzen dute haiekin Martera joatera.
<input type="checkbox"/>	• Unai uste du Marte Lurra baino politagoa dela eta hara joaten da bisitan.

5. Ordena itzazu ipuinaren pasarte hauek denboraren arabera:
(1. 2. 3. 4.)

- | | |
|--------------------------|--|
| <input type="checkbox"/> | • Arratsalde on, lurreko gizon handiak! |
| <input type="checkbox"/> | • Oraingoaz gure lana bukatu da eta Martera goaz. |
| <input type="checkbox"/> | • Une batean soinu berezi bat entzun zen Santa Barbara mendi gainean. |
| <input type="checkbox"/> | • Hamar gizon ziren hegazkinetatik jaitsi eta hurrengana inguratu zirenak. |

6. Zorrotzek honela dio: "...bake asmotan etorri gara..." Zer esan nahi du horrek? (Jarri X erantzun egokiaren laukian).

- | | |
|--------------------------|--|
| <input type="checkbox"/> | Herrian zegoen gerrarekin amaitu nahi zutela. |
| <input type="checkbox"/> | Bake izeneko emakumea ekartzen zutela haiekin. |
| <input type="checkbox"/> | Inori kalte egiteko asmorik ez zutela. |
| <input type="checkbox"/> | Martetik diru asko ekartzen zutela. |

7. Zer kontatzen da istorio honetan? (Jarri X erantzun egokiaren laukian).

- | | |
|--------------------------|---|
| <input type="checkbox"/> | Zarauzko herria deskribatzen du zehatz-mehatz. |
| <input type="checkbox"/> | Martetarrak Lurrera zergatik etorri diren argudiatzen du. |
| <input type="checkbox"/> | Haurren eta martetarren arteko topaketa nola ematen den kontatzen du. |
| <input type="checkbox"/> | Martetarrek eraman behar dituzten gauzak zerrendatzen ditu. |

8. Deskribatu Unaik, Martera joateko ovnian edo hegazkinean sartu zenean, izango zituen kontrajarritako bi sentimendu, hau da, bata bestearen aurkakoa:

1.- _____

2.- _____

9. Esaldi hauetan azpimarraturik dagoen hitzaren sinonimoa eman:

- Itsasoa bare-bare zegoen..... (_____
- Haurrak izutu egin ziren..... (_____
- Oraingoz gure lana bukatu da..... (_____
- Urtebete ederki pasako duzu..... (_____

10. Idatz ezazu hurrengo paragrafoa orainaldian eta geroaldian:

“Lehenbizi, haurrak izutu egin ziren, baina ondo begiratu ondoren, *ovni* eder bat ikusi zuten Santa Barbara gainean.”

ORAINALDIA: -----

GEROALDIA: -----

11.- Unai martetarrei ea inork euskaraz egiten zuen galdetu zien. Horietako batek bazekien. Horrek, “Laster asko erantzun zion Unairi” Esaldi hori berdin geldituko litzateke LASTER ASKO jarri orde z hauetako bat jarrita: (Jarri X erantzun egokiaren laukian).

<input type="checkbox"/>	Modu horretan
<input type="checkbox"/>	Berehala
<input type="checkbox"/>	Une hartan
<input type="checkbox"/>	Garai honetan